

27.05.2015

Inuusuttut suliffissaaleqinerat qanoq iliuseqarfigineqarnera qanorlu akiorniarneqarnera pillugu apeqquteqaat aallaavigalugu oqallisissiaq.

(Inuit Ataqatigiit Inatsisartunut ilaasortaataat)

Sulineq ullormut nerisassaarnissamut aqqudit pingaarnersaraat. Sulineq inuup imminut naleqassut-siminut nalilerneqaatissaraa. Sulineq inuup toqqissisimanissaminut qularnaarinnissutissaraa.

Nunatsinni suliffissaaleqineq annertoqaaq. Taakkunanngalu inuusuttut 18-29 ukiullit tassaapput oqimaaluttat oqimaattut ilaat. Killiffiup takutippaa inuit suliffissaaleqisut 14%-ii 18-iniit 29-inut ukioqartuusut. Siumumiit kisitsisit, inuusuttut sulisinnaasut, sulilersinnissaannut ilaatigut imaat-tunik siunnerfeqarpugut:

Piareersarfinnut periarfissat pitsaanerusut atuutilernissaat. Tassani anguniarneqarluni inuusuttut meeqqat atuarfianni inaarutaasumik misilitsinnermik angusimasamik qaffassarnissaat periarfissaris-saarnulerneq. Taamaasilluni ilinniaqqiffiusinnaasat angusassatigut piumasaqaataannik naammas-sinnilersimanissaq.

Piareersarfinnittaaq aamma inuttut perorsaataasumik aallarnisarsinnaanerup periarfissaanerata ator-luarneqarnerunissaa noqqaassutigarpugut. Siumumiit isumaqarpugut Piareersarfiit sulinerata alla-nngulaarneratigut angusat ajunnginnerusut angusinnaassagivut.

Siumumiit upernaq manna angusatta ilagaat, aningaasanik inatsisissamut 2015-imi atuuttussamut isumaqatiginninniarnitsinni, inuusuttut suliffissaaleqisut sulilersinniarlugit periusissior-nissamut im-mikkut millionimik ataatsimik aningaasanik ilikartitsilluta. Tassani qulakkeerneaqqullugit sulif-finnik misiliffiusinnaasut amerlisarnissaat, taamaasilluni inuusuttut ilinniarniakkaminni tigusaasin-naanissaat ajunnginnerpaaffissaaniiteqqullugu. Tassanittaaq inuusuttut sumut ingerlariaqqinnissa-minnik nalornisut qanoq ililluni ingerlariarteqqinneqarsinnaanissaat periusissiorfigineqartariaqar-poq.

Meeqqat atuarianni inaarutaasumik misilitsinnerni inernerit 2014-imeersut takutippaat atuartut misilitsittut affapajaavisa allamiut oqaasiinik ilikkarsimassusaat appasittoq, taamaasilluni ilinniarfinnut ullumikkut neqeroorutaasunut ingerlariaqqinnissaminnut tamanna ajornartorsiutigisussanngorpaat. Siumumiit isumaqarpugut tamanna ajornartorsiutinngortinnagu aaqqiivigineqarsinnaasoq. Siumup anguniarpaa Kalaallisut oqaatsivut atorlugit inuussutissarsiutit ilinniarsinnaatitaalernissaq, taamaasilluni inuusuttorpasuit unittoornissaraluannik pinngitsoortitsisinnaalluni.

Siumumi pingaartipparput inoqatitta atorsinnaanngittutut nalilinnginnissaat. Tamattami nunatsinni atorfissaqarpugut. Inuusuttunnguit nunatsinnut piginneqataasutut misiginissaat tamatta ataatsimoorluta qulakkeerniartariaqarparput. Inuusuttunnguiummi tassaapput kingornussisussat ingerlatitseqqiussallu taakkua “atorsinnaannginnerarlugit” naqikkutsigit siunissarput sioranassaqaq.

Taamaattumik inuusuttavut meerartavullu kajumissaartuartigit, taakkuuppummi nukiit pigisatta pingaarnersaat.

Inuusuttut kajumissaarlugit Pavia Petersenip taalliaanit versi kingulleq issualaarniarpara

“6. Uummarissutit pingaarnerusutillu inuususseruttortutit, qiimmagit, kalaaleqatitit nunallu malunnarsisissallugit”¹

Naggataatigut erseqqissaatigerusuppara siunissaq eqqarsaatigalugu meeqqat inunngorneranniit susassaqarfiit meeqqap inunngorneraniit ilinniagaqarluni naammassinissaata tungaanut aammalu nunatsinni atorfissaqarluni sulilernissaata tungaanut aqqut atoruminarnerpaaq aqqissuusseqqinnerni suliarineqartariaqartoq siumumiit isumaqaratta.

Ineqi Kielsen

Siumut